

井陘縣志料

第二編

地理

地理目錄

山脈

(一) 陞山系

(二) 大臺山系

(三) 百華山系

(四) 城山系

(五) 千佛巖系

(六) 蒼巖山系

(1) 羅磯山脈

(2) 白眉寨山脈

(3) 白石嶺山脈

(4) 仙翁山脈

(5) 黃巖嶺山脈

河流

(一) 綿蔓河

(二) 甘洵河

(三) 割髭河

(四) 金良河

(五) 小作河

交通

(一) 大路

(甲) 幹路

(1) 東路

(2) 西路

(3) 西南路

(4) 北路

(乙) 支路

(二) 津渡

附橋梁表

(三) 汽車路

(四) 鐵路

附運煤支路

(五) 電報

(六) 電話

(七) 郵政

關隘

(一) 雪花山

(二) 乏驢嶺

(三) 河東坡

(四) 鳳凰嶺

(五) 西山

(六) 白石嶺

(七) 青石嶺

(八) 河抱山
仙翁山

(九) 防口

(十) 黃巖嶺
上莊嶺

(十一) 洪河漕

東口
西口
東西兩口間各鄉

(七) 武功口

(三) 險隘口

(四) 達滴巖口

(五) 驢橋口

(六) 楊莊口

名勝

(一) 蒼巖山

(二) 徑山

(三) 雪花山

(四) 百華山

(五) 千佛巖

(六) 柏山巖

三陽縣志卷之二
第一
七相公巖

(八)三官窪

(九)青山窪

(十)九石洞

(十一)西巖洞

(十二)龍窩寺

(十三)龍泉寺

(十四)徑山寺

(十五)護國寺

(十六)龍門寺

(十七)玉峯山寺

(十八)水上寺

(九) 西洋廟

(十) 凌霄塔

古蹟

(一) 山水

(二) 砦堡

(三) 官舍

(四) 學舍

(五) 壇廟

(六) 寺觀

(七) 遺蹟

(八) 建築

(九) 陶冶

(十) 雕刻

(十一) 繪書

(十二) 雜物

井陘縣志料第二編

地理

志任何地方地理，大都不外就地方所有「山脈」「河流」「交通」「關隘」「名勝」「古蹟」諸大端，分別詳晰說明。今志本縣地理，亦惟有依上列各項，一一叙述於後。

山脈

本縣位於太行山北部之東麓。故境內諸山，皆屬太行山東坡之尾。究其脈絡，計有六支：曰「陘山系」；曰「大台山系」；曰「百華山系」；曰「城山系」；曰「千佛岩系」；曰「蒼岩山系」。茲分述於下：

(一) 陘山系。自晉省平定縣東北之黃土嶺壽陽縣東北有大拉山，東行橫亘於孟縣平定縣界上，至平定縣之岔口東南

結為黃土嶺分支東下，亘於孟縣牛道溝之南，平定縣牛尿泉一名聖水之北，東迤入縣

境神堂口北，至小切村南，為小切岩。折向北走，歷紅岩寺嶺。嶺東，為寺掌峪。朝南

峪武功頂至武功口東，有護國寺。寺內有泉與洞。

俗名劉秀洞

洞內有蓮花座，係舊乳

石結成。延至白土嶺，左右支阜分出。亘於小寺溝與王家峪溝之間者，為椴樹礪

山脈。主峯在武功鄉東北。脈中，有大漢岩、石人岩、大腳山、小腳山、南銀洞、北銀洞

諸峯。介於王家峪溝與曹家莊黑水坪之間者，為東塢山脈。主峯在焦家塢鄉東

北。脈中有仰天池、石門岩、半偏山、馬連坡、北鶴子梁、嫂嫂嘴諸峯。其幹脈自白土

嶺曲折東行，沿仰天池、米唐崖諸嶺東走，貫井陘、平山兩縣界上，為天然之分水

嶺。再東，跨冶西、胡雷、馬頭山，小作桃林坪，出六里、胡仁、桃王莊、大王廟、菩薩崖、高

求龕、黑水坪、大洛水諸鄉界上，盤結為觀音陀山，形勢巍峩，連亘數里。府志為是脈

中之最高峯。上可容千餘人。中有清泉飛瀑，繞流而下。方輿紀要其支阜向東南分布

者，為馬頭山，向西南分布者，為樣子山。自觀音陀山東迤，至冶西鄉之東分支，由

趙莊嶺向東南行，亘於南北石門、窟窿峯、北高家莊與小寨、北康莊、南陘諸鄉之

間，而盡於楊青鄉。西之龍尾崗者，是為庫山寨。主峯在窟窿峯鄉北。山勢雄秀。周

約四十里；高，達千餘尺。爲縣北名山。其正幹，自治西鄉東行，爲抱懷嶺馬塚嶺。東南，有方山寨。曲折北走，延至南陘鄉西，爲鬚髻壩。再北，至北陘鄉西，起高峯，曰陘山。爲「陘山系」主峯。山腰，有石鼓寺。以寺內有石，形如鼓，而名。懸崖間，有清泉飛瀑。風景絕佳。其自陘山東北，分支東走，曲折繞至北楊家溝村地方，復轉向東南行，入於楊青北防口洛陽劉家會諸鄉之間者，則爲鳳凰山。鳳凰山迤東，有馬頭將軍山。主峯在北防口鄉東北，洛陽鄉西北。山下有馬頭泉。縣志其幹脈，由陘山北走，出縣境，入平山縣，而盡於滹沱河南岸。脈中產有金銀鉛煤及水晶石各鑛質。惜鑛質不豐，從事開採，難獲厚利。

(二)大台山系。亦自晉省平定縣東北之黃土嶺伸出，陘山系屬北支本系屬南支橫亘於平定

縣牛尿泉與硫磺溝之間，與北支陘山系並行，入縣境神堂口東南，爲驢橋嶺。驢橋口，在嶺上。自驢橋嶺分支，一支由審岩梁向東南斜走，沿綿蔓河之北岸，亘於南峪西梁窪張家窪北峪台頭諸鄉之間，結爲板山梁脈。主峯在貴泉鄉東南。一

支經虎頭山向東北，斜走於達柯洪河漕小峪新莊盧家口董家莊石甕諸鄉上，爲尖草山脈。主峯在石甕鄉西。脈中有尖礪董家寨母豬岩三馬岩尖台礪虎頭礪諸峯。其正幹，離驢橋嶺，經虎頭山窰岩梁南鶴子嶺蜿蜒東下，爲小作河與綿蔓河之分水嶺。至南鶴子鄉東，起主峯大台山。亦名五峯山。趾削，頂平，雄秀峻拔，高達二千餘尺。爲縣境內之最高峰。其支阜，由山陽伸出，分布於常家坪台頭北峪蔡莊葛丹等鄉之間者，有狼窩山東坡梁葛丹山隔嶺東山梁諸峰。斜亘於葛丹仙洞蔡莊金蒲蘭臭水諸鄉界上者，有大嶺山小嶺山洪南嶺諸山。由山陰伸出之支阜，一支向西北行，分布於南鶴子石甕董家莊小里岩大里岩變莊諸鄉之間者，有壕城寨相公岩虹合山龍頭山中台山鴉片山諸峰。一支向東北行，斜貫於曹家莊窪甕桃王莊桃林坪仇家窰梅家莊沙窰諸鄉界上者，有透明山杏子山盧家山海亮山木魚山半偏山諸峯。沿大台山東行，至黑窰山時，兩山雙尖礪板山之東北，支阜分出，有降和岩鐵龍山白矸梁柴樹礪降和山黃頭礪蒼

山礪西山清涼山三觀山諸峯。自板山東南行至鳳山鄉西，起雲鳳山。山勢迴翔

有險可恃。元末，土人保此，曰「鳳山寨」。

方輿紀要

寨南有蛤蟆背。爲民國十七年晉

奉劇戰之地。自雲鳳山向東南斜走，若斷若續，延鳳凰嶺，至青泉南正長崗南河

頭石疙疸橫口北張村諸鄉界上，結爲天台山。主峯在北張村北。宋靖康間，土人

避兵於此。

府志

迤東，至北橫口鄉西，山脈外斷而內連，折向北走，勢若長虹，縱亘於

綿蔓河之西岸。歷羅峪隔牛王礪，至青石嶺。此嶺，本名叱日嶺。險峻狹隔，車騎不

能乘。

縣志

唐景福二年，李克用敗成德軍於平山，王鎔出兵赴救，敗於叱日嶺，即此。

清一志

自青石嶺北走，爲貓頭寨。再東北行，至南防口鄉之虎頭山止。與陘山支脈

之鳳凰山相對峙。其支阜，自貓頭寨分歧，東南行，爲河抱山。西南行，爲石人山台

山。台山北，爲窟窿峯。迤西爲鹿耳嶺。以山脊兩開，形如鹿耳，故名。再西，至北寨鄉

北之長嶺而止。與板山東北之柴樹礪白矸梁諸峯，遙相對峙，構成一大環形。環

形內，富有煤質。經井陘正豐兩鑛從事開採，頗獲厚利。

(三)百華山系。自晉省平定縣舊關鄉東北分支，入縣境桃園鄉西北，為廟岩嶺，至

大龍窩村西北，為尖尖山板山。延至長生口鄉西北，結為團山。自此分支，向東行，

歷梁家村朱家疃諸鄉，折向北走，延至饒饒山之北，在河西鄉之西，盤結為雪花

山。以滿山叢林，盡開白花，故名。一名護城寨。俗呼西頂。高聳而秀。頂平。可容萬人。

縣志為軍事上攻守要地。清末，晉軍起義，據山防守，與清軍相持月餘。至民國十七

年，晉奉交綏，晉軍依山築壘，奉軍卒未克前進一步。廟岩嶺之北，為紫槽山。東行，

結主峯百華山。林壑深邃，石磴崎嶇。方輿紀要旁有唐張果洞。縣志再東，至石板片鄉西

之天清山止。

(四)城山系。亦自晉省平定縣舊關鄉東北發，東迤，入縣境桃園鄉南，為雙尖礪

牛王礪及紅土嶺諸峯。自此分支，向東行，歷雙廟山老虎岸，至單家鄉西之石

岸礪止。其正幹，自紅土嶺東迤，經貓山寨，至于家鄉當泉鄉南，為馬占嶺張奎嶺。

延至南障城鄉西北，起高峯，曰城山。為「城山系」之主峯。一名障城山。以山形

似城垣，而名。金末，武仙餘黨趙貴等，據山侵掠；蒙古將焦德裕擊平之。明初，大兵

下井陘，別將費聚取城山寨。是也。方輿紀要現今山之東麓，尙有焦德裕墓。城山之北，

有地名石槽隔。隔東南，爲北障城鄉北之慈佛岩。隔東北，爲西柏山岩村南之柏

山岩。山多產柏。甘洵河繞其下。再北，跨柏山岩狼窩吳家莊諸鄉界上，盤結爲尖

山。

(五)千佛巖系。起自晉省平定縣固關鄉東南，蜿蜒東下，歷梁家礪小灰巖，入縣境

呂家村東南，爲康槽嶺。蜿蜒向東南行，有葦子山葫蘆峪羅鍋寨大柴山諸峯。由

大柴山折而北行，爲鳳凰山。再北，爲千佛岩。其位置在南障城鄉東南，七獅村西

北。爲是脈之主峯。高達千餘尺。岩在絕頂。兩壁鑿千佛像。縣志是脈全長，僅十餘里。

支脈無多。爲六大山系中最短而最簡單也。脈中產有鉛鑛，但不甚豐厚。

(六)蒼巖山系。自晉省平定縣諸匯鄉東北之白家寨嶺北走，入縣境南，起主峯蒼

巖山。層巒疊障，壁立萬仞。橋樓結構空中，廟宇輝煌崖裏。古木環圍，煙雲繚繞，宛

如畫圖。志縣為縣境內第一名勝。東迤，有智公岩巒駕山諸峯。自巒駕山蜿蜒而北

行，為石牆嶺。懸崖險峻，路僅一線。方輿紀要延至割髭嶺鄉，為割髭嶺。相傳，漢光武擊

赤眉，駐蹕於此。元氏尤來大搶之徒，皆割髭變帽，由此遁去。因名。清一統志磨兒寨，名一

磨盤山即在嶺南。志縣自此嶺再向東北行，歷石佛嶺，至金柱嶺。嶺上，產石棉甚多。蜿

蜒北走，為苗峪嶺。自苗峪嶺折向西北行，至後亭鄉北，為紅砂嶺。嶺西，有天晴岩

十字窪山、聖母岩、天佑山諸峯。延至後掌鄉東，為萬步嶺。再西北行，為佛爺山大

東嶺。一名鳳凰山自此嶺向東行，至下安鄉東，為仰字嶺。俗呼亮子嶺。西北走，經虎頭

山，越平望溝北，為蜈蚣山。再北，至三峪鄉東，盤結為團尖山。又名掛雲山。縣志峯，圓

而銳。清一統志為縣治東北第一高峯。馬子峪山，平望嶺，草梁寨，隔節礮，四瓦寨，月芽

山，簸箕掌，皆其支阜之別出者。自團尖山向西北走，至白花鄉東，為白山。沿白

花山分支西行，綿布於白花孫莊北、王莊諸鄉之間者，有雙峯山、望山寨、礮諸峯。

其正幹，由東焦鄉北走，為光祿山。山之東，為鮑家山。再北，為煙堡嶺。出縣境，入平